

«մէր հայր» կամ «Առաքելի ապէրը», իրեն՝ ամուսնուն պարզօրէն «է՛յ» կամ «ա՛յ, հայ»¹⁰⁷:

Իրավացի է Գ. Ֆ. Չուրսինը, երբ իր աշխատութեան մեջ այս սովորութեան պահանջը բացատրելիս չի համաձայնում այն հետազոտողների կարծիքի հետ, որոնք այդտեղ տեսնում են աղջկա առեւանգման մնացորդներ և դրանից առաջացող փեսայի ու աղջիկների ծնողների միջև, մանավանդ զոքանչի հետ թշնամական հարաբերութիւններ¹⁰⁸: Այդ կարծիքը սխալ է այն պատճառով, որ դրանով անկարելի է բացատրել ոչ միայն այն, թե ինչու տղամարդը խուս էր տալիս իր կնոջ անունը տալուց նաև իր հոր և իր ընտանիքի անդամների հետ խոսելիս, որոնց թշնամանքը չէր կարող գրգռած լինել առեւանգման ժամանակ, այլև այն, որ զոքանչի հետ, որը, ինչպես տեսանք նշանադրութեան մանրամասնութիւնները նկարագրելիս, փեսային առնում էր իր հովանավորութեան ներքո: Անկարելի է բացատրել, թե ինչու է կինը հետևում այդ պահանջին ամուսնու ընտանիքում, որը միայն շահվել է առեւանգումից և ոչ թե թշնամական, այլ հակառակ զգացմունքով պիտի վերաբերվեր նրան: Սակայն անհնարին է հիմնավորված համարել և իրեն՝ Չուրսինի բացատրութիւնը, որը այդ սովորութեան պատճառը որոնում է ժողովրդի «կրօնական և մոգական հայացքների մեջ, այն է՝ իբր թե հարսը, որպես օտար տոհմի մի անդամ իր հետ բերում է ամուսնու ընտանիքի մեջ մտնելիս նաև իր տոհմի ոգիներին, որոնք թշնամի են, և օտար նրա ամուսնու տոհմի ոգիներին. եթե կինը սկսեր տալ ամուսնու և ընտանիքի անդամների անունները, նրան շրջապատող ոգիները կարող էին նրանց վնասել, որպես օտար տոհմի անդամների, և ընդհակառակը՝ եթե ամուսինը իր կնոջ անունը տար, նրա ընտանիքի, նրա տան ոգիները կիմանային, որ մի կողմնակի մարդ է մտել այդ տունը, և կարող էին նրան վնասել: Իրար անունները շտալով թե՛ մեկը և թե՛ մյուսը նպատակ ունի խաբել ոգիներին»: Այս բացատրութիւնը անբավարար է, քանի որ աղջիկը հրաժեշտ տալով իր հայրական օջախին, ուրեմն և տոհմական ոգիներին, իր հետ չէր կարող բերել ամուսնու տունը իրենց տոհմական ոգիներին: Անհիմն է նույնպես այն ենթադրութիւնը, թե երկու տոհմերի փոխադարձ թշնամական վերաբերմունքը շարունակվում է և այն ժամանակ, երբ այդ տոհմերը իրար հետ հաստատում են բարեկամական ազգակցական կապեր: Երկու կողմերի ոգիների պայքարը սկսարարի ընտանիքում չի նկատվում ոչ մի այլ սովորութեան մեջ: Ընտանիքում լինում էին մի քանի տներից եկած հարսներ: Անկարելի է ենթադրել, որ մի կտուրի տակ, մի օջախի շուրջը, տեղի էր ունենում մի խճճված պայքար այդ տան ոգիների և հարսների հետ գրսից եկած ոգիների բազմաթիվ և բազմազան խմբերի միջև:

Ճշմարտութեան ավելի մոտեցած կլինենք, եթե այն ամօքը, որը թույլ չէր տալիս մարդուն և կնոջը ուրիշների հետ խոսելիս միմյանց ինտիմ, հատուկ անուններ տալ, բացատրենք նույն մտայնութեամբ, որը թելադրում է ուրիշների, մանավանդ տղամարդկանց ներկայությամբ երեխային ձեռքիցը վայր դնել և կարծես ծածկել, որ դա իրենց զավակն է: Միմյանց անունները տալով ցույց էր տրվում մարդու և կնոջ մեջ ամուսնական սեռական կապ հաստատված լինելը, նրանց մեղսակից հարաբերութիւնը, երեխան էլ որպես այդ մէխի կոնկրետ ապացույցը:

¹⁰⁷ Լալայեան Ն., Սիսիան, էջ 135, 136:

¹⁰⁸ Чурсин Г. Ф., նշված աշխ., էջ 241, 242: